



Asoc Ed San Nicolas

RESOLUCIÓN DE CONCESIÓN DA AXUDA PARA O FUNCIONAMENTO DAS ESCOLAS INFANTÍS 0-3 DEPENDENTES DE ENTIDADES PRIVADAS DE INICIATIVA SOCIAL

Entidade interesada: Asoc Ed San Nicolas

Escola infantil: San Nicolas

Expediente núm: BS420C-2021/29

Procedemento: BS420A

Asunto: resolución positiva de concesión da axuda

ANTECEDENTES

1 A entidade Asoc Ed San Nicolas solicitou a axuda económica para o funcionamento das escolas infantís 0-3 dependentes de entidades privadas de iniciativa social ao abeiro da Orde do 30 de decembro de 2020 pola que se regulan as bases que rexerán o procedemento de concesión de axudas para o funcionamento das escolas infantís 0-3 dependentes de entidades privadas de iniciativa social, e se procede á súa convocatoria para os anos 2021 e 2022 (código de procedemento BS420A).

2 A Subdirección Xeral de Demografía e Conciliación comprobou a presentación en tempo e forma da solicitude e o cumprimento de todos os requisitos necesarios para a súa concesión.

CONSIDERACIÓNS LEGAIS E TÉCNICAS

1 A entidade solicitante cumpre cos requisitos esixidos na devandita orde, na Lei 9/2007, do 13 de xuño, de Subvencións de Galicia e no Decreto 11/2009, do 8 de xaneiro, polo que se aproba o seu regulamento.

2 Na tramitación observáronse os requisitos e prescricións da Lei 39/2015, do 1 de outubro, do procedemento administrativo común das Administracións Públicas.





3 O cálculo da axuda, destinada a sufragar os gastos de mantemento da escola infantil e a compensar a aplicación dunha bonificación do 100% do prezo correspondente á atención educativa de segundos fillos ou fillas e sucesivos/as da unidade familiar e pola gratuidade da matrícula relativa ás prazas ocupadas por quen reúnan a dita condición para o curso 2021-2022, realízase conforme ao establecido no artigo 4 da citada orde e aos datos facilitados pola entidade.

4 O período subvencionable é o comprendido entre o 1 de xaneiro de 2021 e o 31 de agosto de 2022.

O director xeral de Familia, Infancia e Dinamización Demográfica da Consellería de Política Social é o competente para resolver esta solicitude de conformidade co establecido no artigo 11 da Orde reguladora desta subvención.

De acordo con todo o indicado **RESOLVO:**

1 A concesión dunha axuda por todo o período subvencionable por importe total de **329.892,29 €** desagregada da seguinte maneira:

A contía correspondente á anualidade 2021 ascende a 199.720,22 €, dos cales:

156.576,00 € son en concepto de axuda ao funcionamento destinada para gastos de mantemento do 1 de xaneiro a 31 de decembro de 2021.

3.522,96 € en concepto de axuda polo uso cotián de alimentos de proximidade durante o ano 2021.

36.721,26 € compensan a bonificación do 100% do prezo da atención educativa prestada entre o 1 de xaneiro e o 31 de decembro de 2021 por segundos fillos ou fillas e sucesivos/as da unidade familiar.

2.900 € compensan a gratuidade da matrícula relativa ás prazas ocupadas para o curso 2021-2022 por segundos fillos ou fillas e sucesivos/as da unidade familiar.

A contía da anualidade 2022 ascende a 130.172,07 € que compensa os seguintes gastos:

104.384,00 € son en concepto de axuda ao funcionamento destinada para gastos de mantemento do 1 de xaneiro a 31 de agosto de 2022.





1.233,48 € en concepto de axuda polo uso cotián de alimentos de proximidade do 1 de xaneiro ao 31 de agosto de 2022.

12.753,58 € compensan a bonificación do 100% do prezo da atención educativa prestada entre o 1 de xaneiro e o 31 de agosto de 2022 por segundos fillos ou fillas e sucesivos/as da unidade familiar.

2 Que se realizará un pagamento anticipado do 100% da cantidade correspondente á anualidade 2021, que se fará efectivo a partir da notificación da concesión.

Na anualidade 2022 librarase un pagamento anticipado de ata o 90% da subvención que corresponda á dita anualidade. O importe restante librarase unha vez xustificadas os gastos e o número de prazas ocupadas por segundos/as e sucesivos/as fillos ou fillas para os que concedeu a axuda nos termos establecidos nesta orde tendo en conta as modificacións que procedan de acordo co previsto no artigo anterior.

3 Que se presentará en cada anualidade unha xustificación independente con data límite do 5 de decembro de 2021 e do 10 de setembro de 2022.

4 Que é obrigatorio observar o disposto no artigo 11 da Lei 9/2007, do 13 de xuño, e ademais especificamente o cumprimento das obrigas establecidas no artigo 17 das bases reguladoras.

5 Que no suposto de que a axuda concedida non sexa destinada aos fins para os que se outorgou nin se aplique nas condicións establecidas ou se incumpra a obriga de xustificación ou xustificación insuficiente, revogárase esta resolución e o receptor estará obrigado ao seu reintegro, de conformidade co artigo 18 da orde reguladora.

6 Que esta resolución poderá modificarse cando existan variacións no número de prazas ocupadas por segundos fillos ou fillas e sucesivos/as durante o período de aplicación desta convocatoria dando lugar ao ditado de resolucións complementarias da axuda ou ao ditado das resolucións revogatorias que procedan segundo o establecido no artigo 14 das bases da convocatoria.

Esta resolución esgota a vía administrativa e, contra ela pódese interpoñer o recurso contencioso-administrativo ante o órgano xurisdiccional contencioso-administrativo competente, no prazo de dous meses a partir do día seguinte ao da notificación desta resolución, de conformidade co disposto na Lei 29/1998, do 13 de xullo, reguladora da





xurisdición contencioso-administrativa. Potestativamente, e con anterioridade á interposición do referido recurso contencioso-administrativo, poderá interpoñer recurso de reposición ante o órgano que ditou o acto no prazo dun mes contado a partir do día seguinte ao da notificación da dita resolución. Neste caso non poderá interpoñerse recurso contencioso-administrativo ata que sexa resolto, expresamente ou por desestimación presunta, o recurso de reposición.

Mediante este documento notifícaselle esta resolución segundo o disposto nos artigos 40 e 41 da Lei 39/2015, do 1 de outubro.

Santiago de Compostela, na data da sinatura electrónica

A conselleira de Política Social

PD O director xeral de Familia, Infancia e Dinamización Demográfica

Jacobo Rey Sastre

